

1.

Bz. 1/92

30.01.1992.

ODBOR ZA ZAŠTITU LJUDSKIH PRAVA
MUSLIMANSKOG NACIONALNOG VIJEĆA SANDŽAKA
Ul. Osmana Džikića br.2.
TEL/FAX 020/29-312
NOVI PAZAR, 29.01.1992.g.

P R O T E S T

Energično protestujemo zbog flagrantnog kršenja elementarnih prava i sloboda Muslimana Sandžaka. Kršenje prava i sloboda se ogleda u svim vidovima i oblicima života i rada.

Srpsko rukovodstvo ne odstupa, već pojačano koristeći najnovije metode sprovodi plan Vase Čubrilovića, Stevama Moljevića "o čišćenju nesrpskog življa u Srbiji, Sandžaku i Bošni i Hercegovini". Tu konstataciju potvrđuju permanentni pritisci, šikaniranja te zadiranja u najosetljivija pitanja muslimanskog nacionalnog bića od strane srpsko-crnogorskih vlasti.

Ilustracije radi dovoljno je navesti samo nekoliko primjera.

- Ucjena prosvjetnih radnika muslimanske nacionalnosti te muslimanske djece, odnosno pretnja otkazom za eventualno neučestvovanje u obilježavanju - proslavi dana sv. Save je čin primjeren nacional-šovinističkoj ideologiji. Tjerati djecu da aktivno učestvuju u proslavi pravoslavnih praznika je ilustrativan primjer asimilacije Muslimana. U to smo se ovih dana u Sandžaku mogli uvjeriti.

- Muslimani Sandžaka su izloženi svakodnevnom šikaniranju i maltretiranju od strane policije, koja u Sandžaku ima svoju razgranatu mrežu, gdje na većini putnih pravaca su organizovani punktovi terorera. Sada više nije samo rizik putovati kroz Hrvatsku, već i kroz Sandžak. To se posebno odnosi na prelaze iz Bosne i Hercegovine prema Priboju i Kosova (Zubin Potok) prema Ribarićima. To su dvije najveće zone terorera. Osim što se pljačkaju privrednici, putnici u autobusima, veliki broj doživi i teške fizičke povrede (slučaj u Zubinom Potoku) višesatno izživljavanje srpsko-crnogorske policije. Sveobuhvatne racije u naseljima gdje žive Muslimani se vrše već duže vrijeme.

- Veliki broj ranije osuđenih lica na uslovne kazne primoran je ovih dana ići na ponovni pretres po istom predmetu. Tako na primjer Opštinski sud u Novom Pazaru je Džanković Munizu iz s.Požege(N.Pazar) raniju uslovnu kaznu preinačio u kaznu zatvora u trajanju od dva mjeseca. Podsjećanja radi treba reći da je pomenuti na zboru radnika izjavio "da u radničkoj menzi ne treba uvesti u jelovnik svinjsko meso", zbog toga što u preduzeću rade uglavnom Muslimani. To se tretira kao "izazivanje nacionalne i vjerske mržnje" iz čl.134. stav 2.

- Zadiranje u bit muslimanskog nacionalnog bića predstavljaju rušenja nišana (spomenika) od strane srpskih vandala. Po običaju vinovnici se ne pronalaze a kamo li sankcionišu. To je slučaj i ovoga puta kada su nišani u Vržečnicima (N.Pazar) porušeni u noći 24.01.1992.god.

Za sve napred iznete tvrdnje odbor za zaštitu ljudskih prava MNVS poseduje potpune dokaze, uredno potpisane izjave, dokumenta i sl.

DOSTAVLJENO: - Vladi Srbije
- Vladi Crne Gore
- sredstvima informisanja



ODBOR ZA ZAŠTITU LJUDSKIH
PRAVA MNVS
Dr Kemal Brničanin

Kemal Brničanin